

ՆԱԽԱԿՆԵՐ ԽՄԲԱՒԵՐՈՒԹՅԱՆԸ

«Հայաստան» հրատարակչությունը տարիներ առաջ նախաձեռնեց Հեռի ձայների ժողովածուի» տասնհատորյակի հրատարակությունը:

Ճիշտ է, տասնհատորյակը չէր հավակնում լինել պատմաբանի երկերի լիակատար ժողովածուն, բայց կարևոր էր նրանով, որ տարիների երկար ընդմիջումից հետո Հեռի պատմագիտական և գրականագիտական հարուստ ժառանգության առաջին հրատարակությունն էր:

1966 թ. ընթերցողը ուրախությամբ ընդունեց պատմաբանի երկերի ժողովածուի առաջին հատորը: Չուշացան նաև երկրորդն ու երրորդը: Ընթերցողները կարծում էին, թե Հեռի աշխատությունների լույս ընծայման հարցում որոշ համաշխարհային է ստեղծվել և ուրախ էին, որ գոնե յուրաքանչյուր տարին մեկ իրենց սեղանին կդրվի հերթական գիրքը: Բայց նրանց ուրախությունը կարճատև եղավ: 1969 թ., այսինքն երրորդ հատորը լույս ընծայելուց հետո, համաշխարհային խախտվեց: Անցավ մեկ տարի, հետո երկրորդը, կիսվեց նաև 1972 թ., բայց այդպես էլ «Ժողովածուի» հերթական հատորը լույս չտեսավ: Ու անհասկանալի է, թե «Հայաստան» հրատարակչությունը ինչու է ձգձգում Հեռի երկերի հրատարակությունը:

Ա. ԳԵՎՈՐԴՅԱՆ,

ՀՍՍՀ գիտությունների ակադեմիայի պատմության ինստիտուտի նախաձեռնությամբ իրականացվող «Հայ ժողովրդի պատմության» ութհատորյակի՝ առ այսօր լույս տեսած առաջին, յոթերորդ և ութերորդ հատորները արագորեն սպառվեցին: Այս փաստը վկայում է այն մեծ հետաքրքրության մասին, որ ցուցաբերում են մեր ընթերցողները այդ գրքի նկատմամբ: Եվ դա, իհարկե, պատահական չէ: Չնայած հայ պատմագրության մեկուկես հազարամյա անցյալին, նման հրատարակություն, որն ամփոփում է մինչև օրս կատարված հայագիտական հետազոտությունների արդյունքները, լույս է տեսնում առաջին անգամ:

Բայց աբդյոք ութհատորյակը մատչելի է ընթերցող լայն հանրության, ասենք՝ գյուղի աշխատավորության, բանվորության, ոչ հումանիտար բարձրագույն կրթություն ունեցող անձանց համար: Իմ կարծիքով մատչելի չէ: Ութհատորյակը կազմող մեր անվանի գիտնականները հայ ժողովրդի պատմությունը գրելիս նյութը շարադրել են գիտական բարձր մակարդակով, հանգամանք, որն աշխատությունը դարձնելով բարձրարժեք, միաժամանակ «ձեռնարկ» է շարքային ընթերցողին, որովհետև դա վերջին հաշվով նեղ մասնագիտական ուսումնասիրություն է՝ հագեցած պատմագիտական, հնագիտական տեղեկանքներով, սկզբնաղբյուրների հանգամանալից վերլուծություններով և պարունակում է այնպիսի մանրամասներ, որոնք շատ արժեքավոր լինելով հանդերձ, ավելի շուտ հետաքրքրում են մեր ժողովրդի պատմությունը որպես գիտություն ուսումնասիրողներին, քան շարքային ընթերցողին:

Թվում է թե ժամանակն է, որ սովետահայ պատմաբանները, անկախ ութհատորյակից, ձեռնամուխ լինեն հայ ժողովրդի պատմության ավելի սեղմ (մեկ կամ երկու հատորից կազմված), ընթերցող լայն շրջաններին ավելի մատչելի մի այլ հրատարակության:

Հ. ՀԱՐՈՒԹՅՈՒՆՅԱՆ